

穰梨館過眼錄

穠梨館過眼錄卷十二

歸安陸心源伯剛甫編

明宣宗皇帝御畫白猿尋子圖軸

絹本設色高四尺八寸五分廣一尺六寸

宣德丙午早春日長春宮戲筆白猿尋子圖、卅

廣運朱文方印蓋字上之寶

生華朱文

白猿花下還思子况是人情豈漠然萬里關山雲樹  
縹何緣飛翅到南天 丁丑六月廿六日題寄棨兒

恒軒溥

蔣溥自宋文之印

質吳詩書吳甫

靜春堂明人翰墨卷

第一紙高一尺零一分長  
八寸一分畫烏絲十六行

寓齋記

吳郡袁仲長先生名其居室曰寓齋而告子曰吾之  
先居于尹山之下者若干世至吾之兄弟始各以其  
業自植立而吾遂寓于茲今若干年尹山之下先人  
之故廬迄今在焉夫有先廬之可守而不及守則吾  
之居于此非寓乎雖然人之有形於天地間亦寓焉  
爾人徒知能自智自力自消自息日疫務與造物者  
敵而不知有形生於無形而卒復於無形故曰有形

之狀盡幻也然則吾之有形於斯世獨得而非寓哉  
吾以寓而名吾齋此其志也子盍爲我記之子聞其  
言作而曰甚矣先生之善達夫寓之理也夫念先廬  
之可守而歎其居之寓是不忘本也察造化之本然  
而悟其形之爲寓是能知道也先生可謂達夫寓之  
理者矣而烏用予之寓言爲哉抑予聞具區之東松  
江之上昔有三高士焉其人皆屣棄功名蟬蛻溷濁  
蓋古之所謂至人者千載之下寓跡故存高致清風  
慨焉可接先生嘗操舟往來其閒固將與之神交意  
會相與稅駕乎冥漠之境而逍遙乎無何有之鄉尙

何假斯齋爲寓而又烏用予之寓言爲哉遂述先生之言書以爲記先生名某字仲長云至□□□龍集乙酉十有二月旣望義烏王禕記

第二接紙高一尺  
長一尺三寸七分

敬用高韻奉成四首寫呈求斤正 袁泰再拜

自公退食故委蛇春服風涼浴詠時范蠡竟浮西子  
舸山公亦醉習家池莫將長劍空中倚但把清簫月  
下吹喚起孤飛鶴嘹唳似言華表夜歸遲

田父迎人有好懷殷勤相率坐莓苔落花浩汗齊飄  
去高鳥裴裒不下來甫里鉏犁猶故業平泉珍異總

荒臺人生秉燭須遊樂莫惜長傾三百杯

桃花夾岸護溪莊白髮漁翁久坐忘過客此時停短棹道人終日閉虛堂雨霑弱柳垂垂綠風動新篁隱隱香茗鼎忽聆烹蟹眼車聲眞用繞羊腸

煙際輕篷帶雨推水邊疎牖趁風開朋儕政可班荆坐舩舫時能載酒來委地花枝徒艷冶近人鷗鳥不驚猜翳然水木幽棲意慚愧愁腸日九迴至正乙巳三月望日

第三接紙高九寸八分長一尺三寸二分

再用韻賦詩四首併祈

笑覽

袁泰頓拜

林回山迥路透迤正值紅稀綠暗時節序驚心新鼎  
俎繁華過目舊園池不辭卞玉曾三獻但愧齊□□  
□□□□□廬如葛亮□方爲圃學樊遲

緣於苔乘流好御長風

去得意還期夜月來醫國恨無三折臂虧功難累九  
層臺年登未免啼飢苦火燎車薪水一杯

青青杞菊遍江莊隱者盤飧意不忘蓑笠尙留垂釣  
石茅茨重覆讀書堂坐深村落成幽賞行入禪局有  
妙香回首城門車馬跡不堪塵事熱中腸

玉山醉倒不容推笑口因君且暫開春事正當三月

暮野航初載數人來得朋爲樂真無數與世相忘了  
不猜爲扣舷舷歌一曲日光斜照水縈回

第四紙兩接高九寸長三尺  
五寸七分烏絲八十五行

九歌

文不錄

袁養白文  
福印

作德三白文  
能朱文  
伯

第五紙兩接高一尺  
長二尺七寸四分

有餘齋

朱文

吳文定公題袁憲史養福所書郭有道碑文云前輩  
下筆便有典刑雖行草不苟況正書乎此吾徒所當  
媿者袁君養福元石洞山長靜春先生之孫也而郡



學教授仲長之子所書郭有道碑文端勁清峭深得  
歐陽率更筆意以其字畫之妙如此宜有書名于時  
然吳人固不知有袁養福也使予不見此幅亦幾失  
之乃知前輩能書者尙多而失之者不少矣其曾孫  
景字以昭者特示予請題一言以昭之意在乎先世  
手蹟耳初不計其書之何如也養福字能伯口口爲  
福建憲史高太史季迪有詩贈行而檢討嗣初稱其  
行瀕負才氣有詩聲蓋不特能書而已其書碑文外  
又有九歌藏于家予獲觀有元諸名公序靜春詩集  
手稿復得讀仲長能伯二前輩手書詩篇及九歌字

帖其有道碑不及見矣因錄文定公跋文并傳之可  
以考見袁氏之文獻云 嘉靖癸未孟夏吉日鄉晚  
生沈津謹識

則朱文 沈印 白文  
山 潤卿

第六接紙高一尺  
長一尺六寸六分

故處士袁騰叔墓誌銘 荊州府儒學訓導長洲陳  
頤撰文 徵仕郎中書舍人吳興沈銘書篆

天順四年四月十五日吾鄉袁景葬其父騰叔于吳  
縣太平鄉感慈塢之原先期以狀來請曰知吾先世  
之詳者無如子知吾父之爲人者亦無如子吾父墓  
門之石非子其誰爲之銘耶言訖而慟哭不絕於聲

予哀其情乃爲敘次而銘之敘曰袁氏先爲汴人有諱珣者仕宋京西提刑高宗南渡時徙家于吳其後遂爲吳人騰叔之九世祖也珣生璉爲判院璉生祐之監廬州都稅務祐之生樞仕國史實錄院檢閱文字樞生易字通甫仕元爲石洞書院山長博學厚德爲趙文敏公黃文獻公輩所推與尤攻於詩有靜春堂集八卷傳于世騰叔之高祖也易生泰字仲長仕郡學教授別號寓齋義烏王文節公爲之記稱其能達夫寓之理泰生養福字能伯洪武初爲福建憲史有詩聲養福生熊字公望永樂中仕建安縣稅課局

大使翰林檢討廬山陳公誌其墓謂其敏達不難於事蓋騰叔之曾祖祖考也妣陳氏騰叔兄弟三人而騰叔最幼恆痛大使公蚤世歲時祭祀憶其垂訓之言以哭立如初侍事其兄敦友于之義兄亡每與人

叔賦性質實恥爲狡僞之行處

禮信而無褻嫚之言及必爲

雖知其詐妄而未嘗顯言其短

叔諱驤袁姓騰叔字也生於洪

日卒於天順戊寅十一月十一日享

七配沈氏孝子順昌之女子男二人長卽

學習春秋經爲舉子業殆能世其家者次  
人長順清次淑清吳頤吳璠其壻也孫男  
女一靜端俱幼銘曰

騰叔 質朴行敦 慎厥終始 無忝德門

大有子好文 烏乎騰叔 奚憾九原

第七接紙高一尺  
長一尺七寸一分

故將仕郎刑部檢校袁君墓表 賜進士內弟劉瀚

述 奉政大夫刑部郎中鄒順書 文林郎監察御

史平陽呂洪篆

嗚呼將仕郎刑部檢校袁君之墓袁先汴人十世祖

袁珣仕宋爲西京提刑南遷遂家於吳曾祖養福洪武初爲福建憲使祖公望永樂中爲建安稅課局使父才孟隱居修德以善稱於鄉母劉氏瀚之從祖姑也君旣沒姑恆晝夜哭已而呼瀚曰汝知吾兒宜有言以碣其墓因念瀚方齠齔時君膺薦來京先人授瀚以小學論語見了大義輒喜動顏色至今著於心不敢忘君疾篤眾往視獨執瀚手誦舊人惟有何勘在之句且曰吾平生非敢矜大第不欲爲卑佞態耳似亦屬瀚以後事者嗚呼瀚雖不忍言義可已乎君名鼎字以凝幼卓異穎敏過人讀書日千數百言下

筆爲文章知務理趣稍長進學鄉先生參議

之門先生奇之爲盡底裏由是聲名勃勃起蚤失

怙獨與母居開門授徒以營養郡守況侯聞其德學  
起朝授南京刑部檢校部之文移日累千百悉經公  
手勘驗甚合條度雖老於案牘者亦服其明公暇手  
不釋卷貴戚子弟多游館下時若大司寇東安施公  
少司寇三衢吾公大司成四明陳公咸禮重之間與  
論文賦詩更相倡和甚見推許三載考績以母乞歸  
養詔許之旣歸闢樓于第以養其母日張治具賓  
笑談以悅其志意性豪放不事矯飾

少

視其母母視之泣且作勢起佯示

呼痛哉卒于天順庚辰

正月十八日

先卒繼孫氏生

女一高恕其館甥也

五日其地

曰感慈塢夫以君之學行出際

有祿秩可

謂無憾獨念吾姑既老而哭其子君之

養而

銜哀於地下其可悲也夫其可悲也夫庸敘此

觀者亦有感焉

第八兩接紙高一尺長二尺四五分

袁母劉孺人壙志

嗚呼吾姑袁母劉孺人歲當天



順甲申正月乙卯以八十壽終正寢殮殯如禮迺卜  
是年三月庚午奉葬吳縣薦福山感慈塢之原合夫  
兆也兆宜有誌誌以傳信淮爲內姪身親見聞孺人  
賢行是可書法茲誌其壙義弗容讓嗚呼孺人諱慶  
字淑慶世爲蘇人祖號退軒沛縣儒學教諭父號竹  
深官中書舍人母王氏孺人幼以柔順端厚行有常  
則致父母愛之以爭趨速爲安女事之勤爲姊妹重  
之以慈裕恩卑下爲卑下稱之及歸袁氏則以孝敬  
尊章愛之如父母以和□□□重之如姊妹以至宗  
戚閭里貧用不自立者不惟賑之□□珥且屬若夫

若子扶之拯之不遺餘力致眾頌之者過於卑下之  
稱永樂間袁氏被仇誣坐絀工籍將隸官孺人勸其  
夫曰君長於諸弟役當以一身慎勿累及仲季況有  
一兒可代亦勿遺累義兒某請以君與兒籍隸工仲  
季與某籍隸民夫唯□□也後竟以子貴工籍尋免  
人以爲孺人之德所致夫沒遺□生女二長患癰瘡  
潰惡難近在衽席者越四期孺人躬製藥餌服食調  
養愛護後先如一撫其次及笄爲擇配歸之嫁具資  
裝豐倍已出人稱以爲難夫字才孟爲蘇官族子男  
一曰鼎宣德間以文學薦授檢校於南京刑部詔賜

歸養者幾二十年先孺人卒者四年娶吳氏繼孫氏  
善執婦道女一素清有賢行適景陵知縣陳預媵女  
守清適吳玘孫女一淑端賢高恕孺人之生寔洪武  
乙丑也嗚呼孺人平生貞靜淑懿婦道母儀奚特宜  
爾室家寔宜垂範來世矧身登壽考無疾而終天與  
善人復何憾焉所可悲者吾檢校君之卒先孺人致  
弗克躬乃大事能不銜終天之悲於地下者謂非脩  
短之數各有定耶抑天之祐善亦弗克全備耶然則  
天其難諶矣乎斯其可悲也夫斯其可悲也夫 湖  
廣長沙府經歷內姪劉淮謹述 賜進士出身大理

寺副內姪劉瀚篆額

福建漳州府長泰縣儒學教

諭內姪劉浩書丹

第九接紙高一尺長一尺六寸

悟庵袁以昭自述壙誌

吾之先汴人自十世祖京

西提刑珦南渡時卒葬于吳之赭墩因家焉故今爲  
蘇人珦生璉宋任院判璉生祐之宋任承節郎監廬  
州都稅務祐之生樞宋任國史實錄院檢閱文字濮  
安懿王以孫女妻公爲郡馬五世祖諱易字通甫號  
靜春以道德文章仕元爲石洞書院山長高祖諱泰  
字仲長號寓齋以文學克世其家曾祖養福字能伯

國朝洪武初任福建按察司憲使祖熊字公望由人材任建寧縣稅課局大使父騰叔吾名景以昭字也別號悟庵自幼處家庭迨長與人事相接惟以誠實爲本非勉強爲之天性然也家素貧年十七卽開門授徒以爲養至弱冠遊湖從親習春秋家學兩試鄉闈不利郡侯黃巖林公一鶚招延之以教其子及擢去郡守瓊臺邢侯敦請掌社學教平昔所作詩文俱不集錄恐不能爲法於人而反貽笑於大方也吾母沈氏年八十六而終從父兆葬薦福山妻吳氏先於成化六年九月二十五日卒享年四十有三葬九龍

門生王俸填諱

第十接紙高九寸八分長一尺六寸四分朱絲欄廿四行

故悟菴袁以昭繼室周碩人墓誌銘 一日郡庠生

袁林來請銘其母碩人之墓再辭而請之益堅迺按其同學友施宏濟狀碩人諱貞字妙貞姓周氏吳之盤陽人父達母殷氏碩人德性閒靜尤善女紅先是先生喪元配吳氏遺一子頗弱三女未字況姑老在堂閭政之托難乎爲繼慎擇所宜得碩人配焉果能奉姑孝撫子女慈姑亦有以安其養而終焉子女賴有成立相親愛如己出先生得無內顧之憂宗族多稱內助之賢晚生林及女一人皆穎慧林承家學業春秋補郡膠弟子員克副先生之志者碩人之教也

先生先卒十七年碩人孀居執禮如一日正德癸酉  
十月十日以疾卒于正寢越明年甲戌五月二十二  
日葬于九龍塢耐先生兆距其生爲正統丙辰九月  
三日春秋七十有八子男二長曰奉配趙氏次卽林  
配沈氏繼奚氏女四碩縉施鑄陳經皇甫銓其婿林  
與幼□□□□□□□吳出也葬宜有銘銘曰□□  
□□□□□壽冀階胡云不祿天福□□□□□  
有待賁此泉臺一□□□出身嘉議大夫都察院右  
副都御□□□長洲劉杲撰

第十一兩接紙高  
一尺長二尺八寸



明東泉袁□□皇甫氏合葬誌銘 袁與皇甫之先

皆仕宋居汴袁氏志宋京西提刑珣與皇甫公同官  
扈高宗南渡家于吳吳之長洲有皇甫袁氏蓋自提  
刑始也兩家以同官故又同客居吳相與甚歡戒世  
相好無相忘也元入宋袁氏沒于兵珣之曾孫史院  
檢閱樞負其子易竄于海濱袁氏不亡易以詩賦名  
流今傳其靜春集者也迨我明易之孫養福仕高皇  
爲福建按察使養福生熊爲稅課使熊生驥有高行  
不以小官屑意生二子長景明經爲弟子員晚乃隱  
居教授先大父膳部大夫嘗從說詩爲所重遂以子

妻大夫之子銓次昂任達好遊門多車駟大夫愛之  
又德景之妻銓昂生雯故我姑氏字焉大夫不祿強  
仕卽世歸姑于袁甫六齡也兩髦在顛箕箒在手簪  
笄方加井臼是任至于華髮未嘗珍綺嗚呼可哀也  
已雯卽府君幼而淳良長而簡樸不事生產作業日  
端坐讀書若愚人與論道理古今事成敗智者不過  
也孝于親友于弟邑無間言與人恭謹敦愿無飾言  
僞色持己不懈閨楊之間必循矩度明岐黃學人爭  
致之不任趨走人門避去知者懇之一試輒神笑曰  
吾豈以一匕劑勝九還哉家貧不自給乃效嚴司馬

所爲日適市列肆談祿命無弗驗里中人多就談者  
得金錢計一日饗餐辦卽收肆去明日復然以是終  
其身而人竟不知其賢也善訓子于能言能食時屏  
其戲弄具誦經書必爲正義釋音使之通曉旣長戒  
之曰立身務在淳謹無□能人富貴貧賤天也故子  
生而無童心皆爲善士吁可以爲賢己府□□室我  
姑未嘗言家事婚姻之所往來朝夕之所供億質有  
貸無藏□□□能夙夜至于紡績裁紉炊汲烹調  
浣污濯垢皆出于姑雞晨□□□□而憂勤猶始  
也姑嘗謂予曰袁氏世宦今吾家多顯者而□□□

庶久矣時姑子洪愈以青衿游吳庠姑雅屬之予亦  
謂洪愈猶□□必以甲科起家癸卯之歲當舉士  
六月甲戌府君病且卒矣嗚呼□哉予往哭府君姑  
執予手泣曰吾其殆乎將從此逝矣越十有四□□  
□果卒嗚呼哀哉姑歸府君琴瑟之好五十餘年不  
知有離情怨□□相率就木而同坎藏焉歌詩偕老  
易贊一終殆亦無歉也已富貴貧賤之在天者誠何  
足道哉府君伯子世恩命其弟洪愈撰狀來乞銘□  
不敢辭按狀府君字天章別號東泉提刑之十一世  
孫也妻卽吾姑皇甫氏子世恩娶翁繼胡世忠娶潘

洪愈取申繼鄒洪志取陸女一適沈僎孫男四孫女  
二府君生口成化庚子九月六日享年六十有四姑  
少府君六歲成化丙午正月十有三日其生也嘉靖  
甲辰十月十九日合葬于薦福山之感慈塢銘曰妻  
鑑孔欽冀也若賓鴻隱任春妻也改容同室而居同  
坎而歸在我則多不知其它 京兆皇甫沖撰 府  
君蒙敕贈徵仕郎中書舍人 誥贈朝議大夫河南  
布政使司左參議 中大夫南京太僕寺卿 通議  
大夫南京太常寺卿 資政大夫南京禮部尙書  
皇甫母蒙 敕贈孺人 誥贈恭人淑人 再贈淑

人 詰贈夫人

第十二接紙高九寸  
一分長三尺二寸

臘盡春來新年又至人事匆匆不覺又添一歲也兩  
見弟書所言冗冗亦應酬往來無分陰之暇蓋在仕  
途必然之理昔陶侃居廣州朝夕運甓弟今經此冗  
他日端可治繁也寄來書與果物一一照收新書發  
驛丞給眾矣前日書言各都司并省下送來之禮決  
無不受之理故前日行都司兩次節禮皆已受耳一次  
公禮一來廿九日到書中又言行都事禮不受爲高  
都司私禮然已受過了將如之何其一府二縣節禮量收應用

之物餘卽發出也驛辦猪羊已收其雞鷺鴨類廚下  
已有故不收之我已分付自三十日至初六日只要  
送些青菜鹽醬葷腥不須送進料正月之米穀不須  
注票弟當知之今祭家廟之餘禮當送與弟處同享  
恐往來跋涉再當處置也土地堂委官致祭甚得大  
體門戶謹慎毋勿意也今驛中止送小靴餘尙未完  
此處瓊襪決不口不如不買昨日來都司差千戶一  
員又送鞋襪與我再三卻之傳來言懇切前二次送  
來禮皆不曾受今亦卻之我思爲不恭也故受之若  
見今日弟來書亦不當受之他日弟當答之何如見

之必爲我謝也千千萬萬一鶚書課不缺今日已許  
寬之初三日仍叫他讀也除夕兄世恩信完

第十三接紙高一  
尺長三尺四寸

嘉慶戊寅春日潘奕雋觀於三松堂

三松白文  
雙

汪鈍翁書袁氏六俊小傳後云琬嘗閱袁氏世譜明  
成宏間有隱君子諱敬別號介隱公者生三子長教  
諭公鼎次贈禮部公鼐次封刑部公鼐禮部公之子  
爲谷虛先生袞志山公袞刑部公之子爲陶齋公表  
謝湖先生娶臥雪公褒胥臺先生袞皆文行知名吳  
中稱曰六俊當時與皇甫氏兄弟文學斌斌海內莫



與爲並今卷中有刑部檢校袁君墓表云君諱鼎字以凝與吳文定跋中所稱以寧未知卽是一人否惜諱與與鼎兩公名未見卷中茲姑備錄汪跋於此以爲閱是卷者參考焉慶善又記

東吳白文 慶善白文  
後學 字叔 美印

沈蔺菴草書千字文卷

紙本七接高九寸一分  
長二丈七尺八寸七分

蔺菴 朱文 臥龍 朱文 子孫 朱文 陳 白文  
所藏 保之 元璜 藏 在 丹 邱 白 文  
黃 雲 白 石 方 壺 之 隔

千字文 不錄

辦 煙 白 文  
散 人

鄒公克明博學好古間以此卷徵作草書爲寫千文

以答殊愧不稱其求也時正統龍集戊辰五月望日

沈粲識

雷屬 白文 作龍 朱文 口卿 朱文 圖書

神物 朱文 留耕 白文 龍 主 白文 人 尊印

跋紙高同長  
一尺七寸

雲間二沈並擅書名簡菴先生尤長於草聖立品甚嚴不輕為人作嘗有計劃導者介先生之友求書且欲識姓名先生忽有思曰得非曩日許奏有司者耶遽卻之其友固請先生為易題計某以外之其耿介如此是卷雖臨懷素而盤空瘦硬自成一家一展玩間如見其端嚴絕俗之操昔人評右軍書云人品甚

高故書入神品吾於先生書法亦云耳道光丁未秋

七月元和韓崇記

韓崇之印字為 良

沈蘭菴凝清叔姪合卷

紙本三接高七寸四分長三尺七寸三分

蘭菴 朱文

歸去來辭并序又五言詩一首 文不錄

右陶靖節

先生著暇日學書一通云沈

朱文

雲閣白文

石渠白文

又接紙高九寸二分長一尺七寸一分

凝清 朱文

天池雲記

龔聖予撰

往僕遊廬山天池凡三與

雲會白虎溪蓐食循山趾登城路可數百級卽有雲  
氣霏霏然拂掠須鬢令人且喜且愕迤邐而進如蒸  
餠啟巖林木徑路被之無餘僕夫荷登在前始而推  
盪已乃如汨泳淵中或出或沒僕坐小山輿時遭撲  
咽襟袖懷抱恣其狎近人殊無去就覺吾身爲盲冥  
中一物耳目不得用其聰明唯心府通靈氣與景物  
相接耳如此終日坐忘高嶮至千佛巖始見天宇豁  
然超超乎萬象鴻蒙之表覽青兗有餘也泊天池寺  
之明日坐白雲亭忽天風引雲氣下如兵陣排拉直  
趨亭際巖崖以靜制動彼不得志則偃蹇而墜頽然

落山谷老松檜撐戴枝葉如小草埋春雪中時時穎  
露別具一種妙象明晨寺僧呼起看朝雲凭闌而觀  
無遠邇皆兜羅綿被覆端倪不露宛如華蓋隔絕清  
氣在上不知下界埃壒中政爾全如眞天下奇觀絕  
覽也爾來垂廿年移居武林自殘臘徂春淫雨不止  
坐窗兀兀孤悶乘之念昔康山勝遊何時復得將兒  
之畫圖以爲醒心清目之具老嫗不克就獨念聲文  
可趣辦庶幾撫寫於是援筆引紙而書得數百字收  
足跌坐時而默誦如老健轉噍以此自遣且命兒咸  
錄之華亭沈藻寫

沈朱文

沈氏白文

徐興公集明初六家字冊

溧陽沈劍芙藏

紙本六頁第一頁高七寸七分長一尺八寸四分

竹軒 人皆有所愛我獨愛此君此君殊不俗瀟灑  
在風塵可以對之飲終日忘主賓詠 淇澳篇聊以  
寫清真

金石軒道士 金有時而鍊石有時而泐惟道之無  
窮兮歸于太極公以名其軒兮託無迹於有迹 近  
日病中有此二題求作草草應答潤筆亦皁皁也發  
諸公一笑耳 東海孤士張民 克正先生之前不  
及奉書也恕之

楊 曼  
學

第二頁紙高九寸二分  
長一尺七寸九分

將進酒

文不錄

翰林高先生承德高邁端偉人也

而於書法深知道勁之妙君子之六藝靡不精致一  
日出紙索子草書子謂班門豈敢弄斧也哉庸辭遂  
不庸拙書此以爲之塞責云黃卓識

檀云氏白文  
之子孫

第三頁紙高七寸七分  
長一尺六寸八分

僕與孟宣先生自青谿別動逾經載邇獲良晤未幾  
復告別俾子心作惡累日惜其去而不我留僕且縻  
公事朝夕弗遑待誨爲憾將行賦浮邱仙人歌以贈  
他日歸閩中時一披玩當念殊方之客耶 浮邱仙

人海上來馭風騎鶴登珠崖手植青藜夜相訪到門  
深慰千里懷憶同夜雨孤舟夢忍黿溪客相送滄  
海雲飛度燕鴻碧梧枝老瞻星鳳張燈譙會飯胡麻  
滿勸鸚鵡斟松華促膝談玄坐來久桃榔月影移窗  
紗有時墨沼浮春香牋麻絹素蛟龍翔有時詞源倒  
秋峽繡腹錦胸珠玉光嘆我學仙學未得謬向瓊臺  
牧邊邑自慚樗材補報難撫綏無術求三益交談未  
久惜分違無乃厭我在塵跡青山曉日照膏車白沙  
秋水揚帆席別後相思似海深悠悠目送三神隔  
洪武甲子中秋日清源生魏紹文書于文昌省心堂



白旻不可釋

永理白旻之印

第四頁紙高七寸八分長一尺三寸五分

右陶靖節先生詩

不錄王義白文

學士白文

學士白文

楊白文

第五頁紙兩接高七寸五分其長一尺三寸五分

山下澄湖湖上山四時幽興繞柴關松崖獵屐緣雲

去霞嶼移舟載月還遁迹每同玄豹隱忘機長共白

鷗間何時有約陪清賞宮錦淋漓鏡影間廬陵曾

榮

玉璽學士白文

看云白文

永理私印

綵服承恩出禁中臨岐相送意無窮橋門潤挹青衿  
雨祖帳涼生白芷風毛義喜時親未老何蕃去後館

爲空懸知早晚稱觴處榕樹陰陰荔子紅 曾榮

子朱文

狀竹白文

雲白文 永白文

理

第六頁紙高七寸五分長八寸

三月灞陵春色老故人相逢耐醉倒甕頭春酒黃花

卮祿米只充沽酒資長安城中足年少獨無 開

口咲桃花點地紅斑斑有酒留君且莫還與君兄弟

日攜手世上悠悠好景閑

王 白文

永理 白文

之印

跋紙一頁高九寸六分長一尺二寸三分

黃卓字退省號進菴江西永豐人永樂辛丑進士官

監察御史卒年六十

王英字時彥江西金溪人永樂甲申進士官南京禮部尙書諡文忠郡志稱其尤善草書卒年七十五有泉坡集

魏紹文廣西人洪武中官廣東文昌知縣廣西通志姓名無考見廣東通志職官類

曾棨字子啟號西野江西廬陵人永樂二年狀元官少詹事兼學士卒年六十一贈禮部侍郎諡襄敏有巢睫集

王偁字孟陽號密齋福州永福人洪武二十三年鄉貢永樂初薦授翰林檢討卒年五十八有虛舟集

張民姓名無考 崇禎辛未季夏朔日徐渤興公識

徐渤 白文 徐印 白文 學 白文 永璽 白文 鄭印 白文 懷溪 朱文  
之印 惟起 章 私印 際唐 書樓

夏仲昭墨竹卷 李崧昀農部藏

引首紙本高一尺二寸  
三分長三尺三寸五分

夏太常竹 篆 西涯 朱文

紙本連題紙九接高一尺二寸  
四分長三丈四尺一寸七分

淇水晴雲 靜齋 白文 藏 朱文  
審定 州

樂清軒 朱文

蔣黃門求余寫墨君久未能酬一日乘興揮之不覺  
成卷筆之工拙則不必較也 正統丁卯十有一月

初吉夏景仲昭識

東坡夏景仲昭書畫印 朱文

太常丰采清如玉，醉倚閒庭吟翠竹。  
試將水墨爲傳神，貌得此君真面目。  
疎枝眾葉紛瀟灑，雨散風稀聲

籟

原脫恍聞環珮下層霄，忽見旌旗出深谷。  
九龍山人

去已遠彭城，一派誰當續。  
笑看江南沒骨花，嬌紅艷紫吐塵俗。  
蔣家三徑今無主，零落湘湖纔一幅。  
我生愛竹復愛詩，擬畫簣管賦淇澳。  
夢魂彷彿無處所，不是長沙定安陸。  
詩成揮手謝清卿，莫道燕歌非郢曲。

東陽

賓朱文

西涯

朱文

愛敬堂朱文

祕笈之印

太卿夏公爲吳中前輩，余見公墨竹長卷，殆數十皆

不若志同所藏此卷之妙者也太卿筆法師王舍人  
孟端平生自以爲不若觀此卷可以抗行矣 長洲

吳寬

原朱文  
博

自陳解齋  
吳寬印

穰梨館過眼錄卷十二終

穰梨館過眼錄卷十三

歸安陸心源伯剛甫編

明初三家行書卷

歸安李荔明氏藏

紙高七寸六分長一尺七寸九分

太湖綠水連青天日照諸峯生紫煙美人家在湖邊  
住水光山色爭清妍臨湖昔構讀書屋插架牙籤幾  
千軸長年不下董生帷朝事絃歌暮披讀上探文典  
下國風星斗錯落羅心胸夜光藏淵不自閤薦書估  
到達萊宮翻思書舍西湖上不覺閒情每來往南窗  
有菊生幾叢三徑松篁日應長致身未報雨露恩



燭一寸丹心存故園新酒應已熟故人空憶同清樽  
包山徐均庭蘭應召入京將擢用以疾辭歸持南  
坡書舍圖卷謁余官舍因賦長句以歸之倘他日余  
南還以爲後會之張本云永樂六年秋七月初吉青  
城山人王汝玉識

臺白文 吳朱文

呂

寬

接紙高同長  
二尺零八分

韓氏畫苑記 御醫韓氏伯永宋魏國忠獻王之十  
二世孫前太醫院使公茂之子也少承家學盡得軒  
岐之秘侍院使公扈從兩京之間蓋十有餘年承蔭

始拜今官其所得一時名人所畫山水雜畫凡若干幅裝池成卷而題之曰韓氏畫苑間以相示且徵文以記夫天下之物有可以娛耳目悅心志而無害者莫踰於翰墨繪畫之事宜夫士大夫獨尙之購之不計其貲蓄之不厭其富至於終其身翫而樂之弗忍釋焉然則伯永他無所嗜而惟有好於此可以得其樂矣想其退食之暇焚香宴坐展而觀之悅然若陟夫崔嵬之顛而行乎莽蒼之野灑然若聽乎風泉之遠響愴然若聆乎猿鶴之餘音也其快且適當何如耶此伯永之所以好而蓄之樂而弗厭也予嘗集古

今小畫爲數卷攜以自隨塵土倥偬之餘輒一翫之  
則襟懷怡曠神志超越旣而悉遭回祿至今尙往來  
于懷然已不可復得則於伯永之樂烏得不爲之歆  
豔乎遂樂爲記之且并述予之所好而今無之者以  
贅末簡云永樂己亥秋九月下澣翰林侍讀學士奉

訓大夫廬陵曾棨書

曾印 白文  
子尼 侍讀學士  
之章 白文

紙高同長三  
尺一寸八分

口寒齋 白文  
銀鹿 白文  
口系

寧靜齋記 四明鄭雍言甫僑居京師長安街東偏  
扁其齋曰寧靜以爲藏脩遊息之所蓋取諸葛武侯

所言非寧靜無以致遠之義也間來求余爲之記余與雍言先府君先生秦府保安王教授有舊故不敢固辭而質之雍言曰諸葛武侯方其未遇時躬耕南陽田野間抱膝長吟草廬之下故得以寧其神靜其心以研精義理於事物之表及其既應劉先主之聘許以驅馳抗衡強敵內理國政外總師旅晝夜焦勞不遑暇食又安得寧靜以爲學哉況吾子自幼卽從父兄宦遊上都身居闕閭鐘鼓管籥之音日聞乎耳旗麾羽旄之美日接乎目與馬爵祿之貴日搖乎心造請逢迎奔走之不暇亦何道而能寧靜乎雍言曰

不然萬鍾之祿不足以動孟子之心三公之位不足以易柳下惠之介無慕於外者固不爲事物之所奪也夫人之所以不能寧靜者皆由聲色貨利誘之外嗜慾好樂敗之於內躁發妄行膠膠擾擾於醉生夢死之域是以沒世不能有寧靜之時耳吾自有識以來卽從事問學恆以莊敬嚴肅檢束其身每危坐讀書潛心精一百慮屏息窮究辭義靡敢有一息怠荒儼然若恭對聖賢於黃卷中舉凡貴富聲華之事一無所慕故雖處闔閭下帷閉戶翛然不異山林居也雖不敢以古人德業自期庶幾乎爲入道之基耳蓋

惟志壹則氣定而神寧欲寡則心清而性靜若何而不能寧靜哉余聞而高之乃謝之曰吾子之志則大矣余之言誠失也雖然余得有以進子者諸葛武侯好讀申韓書其所以爲學者不過欲爲廣才致遠之用耳故其所成就亦未免雜於權謀功利之流非聖賢大學之道比也經曰知止而後有定定而後能靜靜而後能安安而後能慮慮而後能得其工夫始於格致誠正其功效極於修齊治平豈止於廣才致遠而已乎子於所已能者堅持之其所未能者勉進之則善矣雍言曰請受教因述其辭以爲記 永樂八

年歲在庚寅九月重九日漢府右長史勾吳錢仲益

撰

錢仲益

白文

口林

白文

听錄

白文

筆花軒詩翰卷

紙本第一紙高八寸  
六分長七寸七分

金華

朱文

右筆花軒詩文一卷薦紳先生暨士林君子爲吳興  
陸文寶作也吳興名筆之所自出文寶居邑之善璉  
鄉鄉之毗咸業筆猶鄒魯之於詩書燕趙之於弧矢  
也雖其家業人習然亦有工拙存焉文寶所以獨擅  
其名者雖曰得之於心應之於手亦由其專心致志

之所致也他又往往安於鹵莽滅裂而欲致其精且  
工亦難矣哉爲學之道何以異是予與文寶別去數  
載邂逅於錢唐出示此卷因爲識其末且以勸夫代  
之爲學者焉金華童冀

冀 自文 童子 自文 中州 篆刻

筆華軒下多清趣截竹聯毫藝出奇秋後蹋霜收柿  
葉春餘趁雨種辛夷通靈玉兔逃蟾窟入夢文螭走  
墨池好事爲書毛穎傳添君名姓繼當時 丹谿周

昉

周 朱自文 神庭 自文 元亮 生

第二接紙高同  
長七寸七分

雲仲 朱文駢經

纖毫扶植研爲田彷彿辛夷更帶烟五色光華形夢



想一枝臭味得家傳飛雲裔出長生後滴露春回太  
極先渭水中山霑化雨合并茗雪總如椽 吳印

第三接紙  
高同長同

陸君製筆筆生華聲名早入天人家架上如椽凌劍  
戟毫端五色輝雲霞蠻牋雪蘭光盈睫寸鋒落處風  
霜溼班生此際不成投興來書盡芭蕉葉 廬陵劉

盾

遊 宴

茗水泠泠見玉沙水邊元住陸郎家祖來截竹爲毛  
穎我去凭軒看筆花夜半生輝成錦彩天明落紙散  
雲霞絕憐馳譽人間世留得遺芳翰苑誇麟溪八十

翁題

搜羅湘管截雲腴采擇宣毫帶露濡日永試鈔毛穎  
傳時清不寫嚇蠻書紫囊簪佩趨青瑣白簡敷陳列  
表著莫厭晴軒理鋒銳螭潛紀述有鴻儒 浙江按  
察使茆邁余奎

尙爽

自文

與健齋

朱文

茆邁

自文

奎 自文

藝精何必世其家陸子相傳筆吐華松雪無人遺筆  
冢自慙我輩學涂鴉吳興郭東小隱朱恁

文華殿上龍飛筆親見陸生曾製之內使傳宣親賜  
食大臣羊酒拜丹墀 見心和尙命金華邵生題其

後

邵印 自文  
原性

劉完庵臨安山色圖軸 歸安吳氏藏

紙本高一尺零九分  
廣一尺八寸五分

山空鳥自啼樹暗雲未散當年馬上看今日圖中見

完庵詩書畫

劉氏 朱文  
庭美

山光凝暮雲風來忽吹散借問在山人何如出山見

史鑑

明 朱文  
古

雨餘松竹潤日出烟霧散彷彿藍田人虹光眼中見

陳蒙

東家 朱文

漁子沙

朱文

雲來溪光合月出竹影散何必到西湖始與山相見  
劉僉憲挈子三人遊臨安阻雪于橋李僉憲爲繼  
南弟作小景短吟種種可羨湖山之勝恍在目前尙  
何待於南遊哉史明古偕子和之聊遣客懷爾辛卯  
二月巳酉燈下沈周書

啟朱文  
南

山頭雨氣消石面泉流散何處發樵歌林深人不見

鐫英

泉石生 朱文  
圖書印

天涯初會合家路又分散空聞詩畫名十年不相見

沈宣



朱文

跋紙高八寸八分  
廣一尺九寸四分

完庵先生以文章風節名天下其詞翰畫筆尤爲吳  
中所寶蓋不易得也致政歸時不脩世事惟築山鑿  
池於第中日與徐武功韓襄毅祝侗軒沈石田諸君  
遊號曰小洞庭實寄興于三萬六千頃七十二峯間  
也每集多聯句之作而先生爲之圖其胸中邱壑已  
自奇絕故見諸筆底者尠不臻妙此雖小幅而石田  
稱許如此不亦重乎先生之孫都水公布曾孫鴻臚  
君遜咸世其家而於先生片楮數筆皆購藏之可謂

賢矣

晚學彭年識

龔白文

劉完庵山水軸

紙本高三尺八寸一分廣一尺四寸四分

完庵爲抑之進士寫

劉氏 朱文  
廷美

東海 白文

誰家林麓近溪灣高樹扶疎出石間落葉盡隨溪雨  
去只留秋色滿空山 溪邊春樹綠成羣山崦新來  
有白雲客子閑行尋古寺石窗巖影與僧分 東海

張弼題

張 朱文  
弼 丙戌 白文  
進士

煙客 朱文  
鑑定

臥庵 朱文  
所藏 休爾采之赤 朱文  
珍藏圖書

劉完庵山水冊

紙本計八頁每頁高八寸長一尺三寸九分對題八頁跋一頁高長同

第一頁  
淺設色

劍井虹光

劉氏 朱文  
庭美

竹君 朱文  
石友

千古 白文  
一心

六龍城下大江東  
拭目雲霄看綵虹  
寒射斗牛天闕近  
夜驚蛟蜃海門通  
多年養就剗犀氣  
三尺終成蓋世功  
此是太平文瑞見  
漢廷今喜得揚雄  
許簾

順庵 白文

蘭陵遺井草蕭蕭  
古劍沉淵鐵未銷  
靈氣每隨江雨發  
寒芒時逐海風飄  
千年精魄含秋水  
五夜星辰動碧霄  
帶得滿懷英傑去  
凌雲才思共扶搖  
秦旭

景 朱文  
賜

惟海 朱文  
世家

第二頁  
水墨

甕城曙色

竹君 朱文  
劉氏 朱文  
石友 庭美

曉發丹陽郭外舟角聲初罷甕城樓雲深霜暗藏甘  
露月淡星稀見石頭賈誼定爾三策志杜陵空抱一  
生愁維揚只尺明朝到莫爲瑤花作漫遊 許篈  
城頭月落曙雞催城下蒼茫一棹開萬里有程通海  
國五雲何處認蓬萊隔江帆影衝寒去近寺鐘聲破  
暝來吟得柁樓回首望不知已過妙高臺 余睦

余氏 朱文  
民甫

第三頁  
淺設色

直沽貰酒

鄒氏 朱文  
庭美 竹君 朱文  
石友

千里雲帆送直沽杏花村店貰春酤誰憐馬客無新  
識尙喜黃公有舊壚落日人烟喧水驛長河官樹接



檣烏前途舉目青霄近漫爾臨風瀉一壺 陳公懋

陳氏 朱文

公懋

錫山 朱文

言志 朱文

長河二月柳陰陰渡口停舟一散襟忽聽提壺花裏

鳥 輸賣賦橐中金青尊不待吳姬勸白雪重歌郢

客吟此去都門春似海還陪多士宴瑤林 楊理

叔 朱文 輸墨 白文 留神

第四頁 淺設色

彭城夜雨

劉氏 朱文 竹君 朱文 庭美 石友

官程 向誰邊風雨彭城夜泊舡颯杳秋聲寒雁

外清涼旅況曙雞前西堂詠草初成夢上國看花未

了緣明日新晴當早發不須懷古弔坡仙 李庶

東臬 朱文

官樹蕭蕭夜雨鳴舟臨水驛是彭城數聲春雁呼羣  
急一點寒燈照客情吟草不成今夕夢對牀空憶故  
園盟坡翁詩句留陳話彼此風流萬古情 秦璠

仲朱文 淮海朱文 世家

第五頁 泰嶽春雲 竹君朱文 劉氏朱文 庭美

水墨

石友

封中初出帶烟霏馬首東來看漸微爲雨好蘇天下  
望隨風還向日邊飛茫茫何處瞻親舍渺渺前程接  
帝畿文采分明成五色憑君補作袞龍衣 李庶

東皋 朱文

泰嶽岩巖接帝京春雲郁郁望中生三時尙見爲霖  
去五色偏憐擁日明奏賦頓添司馬氣思親還起狄  
公情仙郎瀾次收光采定有文章錦織成 秦璠

仲朱文 淮海朱文

第六頁

水墨 淮海風濤

劉氏朱文 竹君朱文

庭美 石友

風濤洶湧竟忘憂萬里長淮愜壯遊東去蓬萊元有  
路西來弱水不勝舟魚龍變化乘高浪鷗鷺聯翩下  
急流自喜要津從此達天涯何用賦登樓 黃祿

南林 白文

二月南風吹柁樓白頭浪裏度高郵壯途那懼重來  
客遠水還迎乍去舟樹色搖雲淮岸曉潮聲捲雪海  
門秋馳驅好爲功名事何處茫茫到帝州 華藻

華氏朱文 隆慶 白文

世宗

第七頁  
淺設色

廣陵煙柳

劉氏朱文 庭美

竹君朱文 石友

城頭初日澹晴霞細柳烟籠十萬家輕拂隋堤微有  
影遙連汴水渺無涯驛樓掩映迷征騎野戍蒼茫集  
亂鴉折贈不須頻悵別春風還看上林花 黃祿

南林 白文

垂柳千株汴水東行人猶自說隋宮天涯春色孤城

雨江上離愁一笛風羸馬長堤花杳杳殘鴉古渡樹  
濛濛今朝又過蕪城路回首寒烟十里中華藻

華氏朱文

陸應白文

第八頁  
水墨

潞渚維舟完庵劉珏

劉氏朱文

竹石朱文

信天巢白文

重洪複閘幾千程二月流漸入潞聲水盡長天春繫  
纜路臨高甸曉聞鶯沙村人集鄉音異野港帆收岸  
火明翹首都城催整珮金臺風暖馬蹄輕陳公懋

陳氏朱文

錫山朱文

瀲灩殘陽照客舟萋萋芳草滿汀洲天連野色雲低

合風激灘聲水逆流千古江山司馬迹百年詞賦仲  
宣愁通津此去何須問明日看花是帝州 侯讓

跋紙高  
長同

劉完庵諱珏字廷美長洲人況鍾守吳簡名家子爲  
掾廷美在選中辭不願鍾喜令補博士弟子宣德中  
中應天鄉試除刑部主事遷山西按察 僉事棄官  
歸年甫五十操履精白老而好學草師李北海畫師  
王黃雀精於鑒古累石爲山號小洞庭有完庵集吳  
原博序之其畫世不多有余僅獲此冊藏十年餘今  
日愁霖方霽秋色清朗出信天巢書畫 拭之恐無

題識後人不知因記大略 康熙三十八年己卯八

月廿日書於拓上簡靜齋盤中新得香櫟鼻端幽馥

瓶有長春花眼底鮮妍為閒居之樂事江村高士奇

士奇 朱文

姚雲東山水軸

紙本設色高三尺  
七寸七分廣一尺

賜進士 白文

蘆荻蕭蕭雁欲迷斜風急雨暗山溪歸燕舟泊人家

去荒竹鳳鵠猶自啼 雲東逸史

公白文

丹邱 白文

北字 朱文 渭南 朱文  
伯後

姚雲東都門送別圖卷

漢陽沈劍芙藏

引首高八寸七分  
長三尺九寸八分

清白傳家

朱文

留聲照

朱文

義門 白文

山人處

秘藏

都門別意

篆書

奉訓大夫工部員外郎直內閣預脩

國史官豫章王璉題

時朱文

筆直 白文

圖紙高八寸八分  
長三尺七寸一分

公自夏

曾在秋 朱文

後

渭人處

題紙兩接高同長  
二尺八寸七分

賜進士 夏

秋淵 朱文

都門留別意半是翰林摘縱有紅亭酒爭如白雪詞



晚山何渺渺春樹卻離離索和聊乘興吳城重可期

逸史

姚氏白文 古柱白文 公綬 下史

京國留三月吳船萬里迴適因省姊至不是販夫來  
迢遞胡山夢淹留濁酒杯照人有詩句離思不勝裁

江東馬璫

公朱文 信

姚雲東書聯句卷

紙本七接高一尺零四分  
長二丈六尺二寸七分

丹正子

宋文

于辰

朱文

華朱文 伯

春夜飲承慶堂聯句 卞榮姚綬 昔別論兵地今  
登承慶堂春游不覺倦 卞夜飲豈辭長傾盃若江淥

·姚 熱燈如月光將軍能白戰 卜 詞客任清狂自許騷

壇築 姚 誰容筆陣藏調逾青玉案聲裂翠崖岡且爲

歌常棣 卜 休教唱折楊賓筵寬戒抑溝斷恣呈祥

若圖畫 姚 參差出縹緗高名動寥廓妙理陋荒唐

地主金蘭契 卜 天機錦繡張書空無咄咄盈耳有洋

洋幸庇萬間厦 姚 難窺數仞牆吟遲慚倚馬令速罷

飛觴放浪忘形役 卜 侵尋入醉鄉詩翁方擊鉢漁叟

正鳴榔厭作思歸操 姚 甘爲急就章卷阿殊藹藹江

漢尚沈沈營柳風應暖 卜 山花霧亦香雲屏開翡翠

水檻宿鴛鴦東道多仁宅 姚 西家少墨莊登龍粉署

客義豸繡衣郎報國孤衷赤卞憂時兩鬢蒼恩難忘  
絳冕樂在引宮商最好蒲荷沼姚全勝桃李場卞敦  
勤命更僕姚爛醉又何妨

晚風清 白文

成化壬辰二月十二之夕予陪江陰卞民部飲玉雪  
君之承慶堂時其兄濯纓揮使以公事出玉雪好客  
苦鄭莊觴行無算持卷索聯句民部首唱予繼之聯  
訖計二十有六韻明日書其池亭之上玉雪亭中屢  
有稱明石鼎之福民部可預予何人而亦預耶蠅附  
驥以千里知者勿咲 嘉禾姚綬識

進士嘉興 白文  
姚公綬氏

丹正 良

秀水 良

主人

羅金石書畫

跋紙高同長  
一尺二寸

姚御史此詩絕似顏魯公竹山聯句此書又絕似顏  
送裴將軍詩視其平昔摹學張伯雨好作妍美筆者  
更加出色綠陰滿地卷湘竹簾快讀一過那不大叫

稱絕 道光十五年乙未四月十九日同邑後學張

廷濟書後時六十八歲

廷朱文

張 良

道光庚子八月三日觀於息畊堂南海吳榮光時年

六十有八

榮 白 白文

道光二十六年歲次丙午秋七月朔桐城吳廷康觀

于魏唐黃氏之息畊艸堂錢唐邱登同寓日廷康

朱文

皆朱文  
呂

謝葵秋春林雨意軸

紙本高二尺三寸六分廣九寸

春林雨意

葵邱  
白文

南山豹霧隱前村石林蒼莽清晝昏殘紅委地綠陰  
淨風雨十日不開門乙酉歲夏月幾望葵邱謝緒爲  
澤民高士畫并詩

意在白文  
筆先

林雨晝漫漫千花濕未乾竹牀清坐久茅屋閉春寒

吳門鄒亮

子孫 白文

□ 不可識

味易齋

白文

雨滴春林未肯晴梨花開遍近清明柴門深掩烟雲

裏只聽啼鳩不聽鶯

南州徐庸

伯益 白文

徐氏 朱文

倚翠軒

白文

深林雲氣鎖柴關二月春口在雨前口得晴來花未

老籃輿不負看青山

天水趙文宗

淡中 白文

種學齋

朱文

春雲黯黯樹昏昏鳩婦頻啼欲斷魂憶得梨花深院

裏春寒寥落閉重門

太原王越

山陰 朱文

長宜 朱文

林遠少人過烟嵐濕翠蘿鉤簾聽春雨門外落紅多

張有

夢白文張氏白文  
庵壁

春山斷客過烟雨壓松蘿試看溪頭水朝來漲幾多

偶武孟

山米白文  
之閣

青苔路滑繞莎谿樹帶濃嵐曉色迷枕上忽驚春夢

破落紅深處鶉鳩啼

牧雲子

白雲朱文  
隱居

江郭春來十日陰紅香滿地落花深衡門晝掩嵐光

裏客到只應無路尋

吳山釋圓

性持白文  
之正

自入春來未肯晴林華落盡徑苔生開窗臥處渾無

寐聽斷風聲雜雨聲 周傳 太古心 白文 方 朱文

休齋朱文 朱文 江左 朱文 八文 見陽 朱文 子珍 藏記

尊古 白文 見易 朱文 石水 白文 所藏 涸口 白文

王孟端竹石軸

紙本高四尺二寸 廣一尺四寸八分

孟端 孟 白文 游戲 朱文 尚 翰墨

翠拂琅玕落粉香無端春色滿瀟湘美人學得青鸞

曲何處吹簫聽鳳凰 王英時彥 王英 白文 時彥

書懋 朱文 儼齋 朱文 餘清齋 朱文 黃美之 朱文 所藏 秘玩 圖書印 圖書印

百仙 白文 雲印



王孟端水墨山水軸

紙本高三尺六寸七分  
廣一尺六寸九分

九龍山人王孟端為芝林先生寫

九龍山白文  
山道士

桐葉微黃楓葉青仲秋風日氣淒清礪中流水常清

淨門外青山不世情董玄宰題

董其昌朱文太史白文

子京朱文

項墨林甫朱文  
秘笈之印

王孟端仿松雪翁竹軸

紙本高四尺一寸  
五分廣九寸八分

永樂二年四月倣松雪翁王紱為如懋給事先生寫

王印白文  
孟旻

暢飲醕醪夜已闌燈前乘興寫琅玕塗成大有瀟湘

意贈與君家仔細看 孟端又題

九龍山 白旻 破研朱文 中道主 齊

松間 朱文 藥曰 竹明表

古笑俗 朱文 流

亭亭玉立翠均枝彷彿瀟湘暮雨時雖是無心終有

節從來霜雪不能欺

吳僧道衍題

道衍 白文 斯 白文 私印 道

穀詒堂 朱文 任氏珍藏

程道 朱文 大都 白文 齊鑑 黃章 程子葵 舟珍元

杜東原江南春色軸

紙本高三尺零九分 廣一尺三寸四分

江南春色

隸書

成化二年春仲東原杜瓊寫

鹿冠 白文 老人

辛卯二月十七日錄倪高士江南春詞于上陶成

陶成 白文

行之 朱文 鳴玉 朱文 王穉 朱文 登印 橋機 白文

朱文 主步劉 朱文 兩印在邊綾 氏家藏

吳癡翁山水卷

紙三接高一尺五寸四分長一丈九寸 古潤戴培之致 朱文 藏書畫私印

秣陵史延直漫墨時成化十八年五月之望

癡翁 白文 口口 白文

穰梨館過眼錄卷十三終